



Dato: 05.07.2016  
 Arkivref: 2011/1630-17327/2016 / 503

Saksbehandlar: Elisabeth Gjerde  
 53423154  
 elisabeth.gjerde@bomlo.kommune.no

Sak nr i møte	Utval	Møtedato
	Utval for areal og samferdsel	07.09.2016

## OPPRETTING AV TEKNISK FEIL I KOMMUNEPLAN

### Rådmannen sitt framlegg til vedtak:

Arealdelen til gjeldande kommuneplan skal kartteknisk rettast opp for gnr.13 bnr.182 og felles teig for gnr.13 bnr.5,15, i samsvar med vedlagt kartutsnitt datert 07.09.16.

### Dokument i saka:

1. Kommuneplankart 2013
2. Kommuneplankart 2006

### Bakgrunn for saka:

Bømlo kommunestyre vedtok kommuneplanen for Bømlo 2013-2025 i sak 13/13 den 18.03.2013. Akvator AS vart leid til å produsere plankartet.

Ved revisjon av kommuneplan i 2013 vart det gjort endringar på diverse eigedomar utan at det låg føre innspel frå grunneigar og utan at dei vart særskilt varsle om dette.

Utvælt gjorde difor i møte den 31.08.2011 følgjande vedtak om område som skal bevare status:  
*Ingen område som i noverande plan som er definert som rorbu skal endrast til naust eller LNF utan at grunneigar har søkt om endring.*

*Ingen område som i noverande plan som er definert som fritid skal endrast til LNF utan at grunneigar har søkt om endring.*

*Ingen område som i noverande plan som er definert som naust skal endrast til LNF utan at grunneigar har søkt om endring.*

*Ingen område som i noverande plan som er definert som bustadområde skal endrast til LNF utan at grunneigar har søkt om endring.*

Dette vedtaket medførte fleire administrative rettingar i plankartet.

Det har no gått ei tid sidan ny kommuneplan vart gjort gjeldande og det dukkar med jamne mellomrom opp nokre produksjonstekniske feil i plankartet. Dette gjeld feil i høve til tilbakeføringer som vist til ovanføre, men også direkte utegløymingar av arealføremål frå gamal plan til ny plan eller andre karttekniske feil.

Fylkesmannen i Hordaland har tidlegare gjev råd om at kommunen sjølv kan retta opp produksjons-tekniske feil, men at planutvalet då bør orienterast om arbeidet.

Slike feil har tidlegare vore retta opp i Utval for areal og samferdsel.

Området det no gjeld er dei to eigedomane gnr.13 bnr.182 og ein teig av felleseiga mellom gnr.13 bnr.6,15. Eigedomane ligg i sin heilskap i førre kommuneplan i område avsett til rorbuføremål. Ved overgang til ny kommuneplan i 2013 måtte ein gjere ei kartteknisk oppdeling av plankartet ved å dele opp rorbuområda slik at sjøkanten framfor bygningsmassen skulle ha eige føremål , dvs. «småbåtanlegg », medan byggjeområde for fritidsbustadane fekk eige føremål som «fritidsføremål».

Det har vist seg at ein ved denne oppdelinga har lagt eigedomane 13/182 og 13/6,15 i sin heilskap i område for «småbåtanlegg». Dette medfører at det ikkje er høve til oppføring av fritidsbustad på tomtane. Sjå vedlagt kartutsnitt.

**Vurderingar:**

Ein bør rette opp direkte feil i plankartet. Dette av omsyn til eigarane av dei ulike eigedomane. Eventuelle framtidige tiltak kan verte vanskeleg og kostbare å få realisert dersom byggjetomt, som skulle vere avsett til byggjeføremål, ikkje kan nyttast.

Dei to eigedomane har tidlegare vore bebygd med ein større driftsbygning. Gnr.13 bnr.182 vart frådelt som rorbutomt i 2007. Tomtane er planert og deler av kaigrunnen ligg att.

Ved inndeling av arealføremålet så har det skjedd ein glipp slik at dei to tomtane i sin heilhet er sett av til småbåtanlegg. Det har vore meininga at det skulle kunne byggjast fritidsbustad på tomtane. Inndelinga av arealføremål bør rettast på dei to tomtane.

**Økonomiske konsekvensar:**

Ingen, men feil i plankartet medfører t.d. at eigarane må søkja om dispensasjon ved byggjesøknad, jamfør pbl §19-2.

**Miljømessige konsekvensar:**

Ingen

**Beredskap- og samfunnstryggleik:**

Ingen

**Folkehelse**


Ingen

**Oppsummering og konklusjon:**

Rådmannen vil rá til at administrasjonen får fullmakt til å rette opp dei nemnde tekniske feila i plankartet.

294112  
623069

294207  
X 66230



622931  
Y 2941

X 66229  
Y 29420